


Ramphis Tromp den e promé 10 nan, mientras cu Elia Isenia Reina di Tumba Corsow 2002



Pa di dos biaha den su carera Elia Isenia a gana Festival di Tumba di Corsow. Un Curaçao Festival Center colmá cu hende por a tuma nota di e actuacion sobresaliente di Elia Isenia cu su composicion titula "Awe", arregla pa Rònchi Matthew compaña pa Gio y su Orquesta.

Serca ey a keda na di dos lugá Hendrik de Windt cu e magnífico composicion di Marlon Conradus "Corsow Live" tambe a wordo compaña pa Gibi y su Orquesta.

E puntuacion ta indiká cu e dos composicion nan tabata hopi di serca, pero finalmente e composicion di Elia tabatin mas contenido loke a contribuí na e resultado como number 1.

Den e 5 finalista nan tabatin tambe Rutsel "Little" Leito cu composicion di Ike Jesurun "Jòp'é" cu música di ERA.

Na di cuater lugá a sali Gabrielo Cruz ku "Riba dje" y Danny Janga cu a sali na di 5 luga cu e composicion "Dun'é su sòpi mondongo".

Den e finalista nan tabatin tambe pa promé biaha e Arubiano Ramphis Tromp cu a haci furor cu su mensahe positivo pa Corsow "Dos duim pa Kòrsou".

Ramphis tabata compaña pa e banda Locomotion. E publico grandi di Aruba, entre nan lider di OLA Glenbert Croes, a

reacciona cu masha fervor y beneplacito na momento cu a anunciá cu Ramphis Tromp ta den e finalista nan.

E composicion tabata di Ramphis mes y e arreglo di Rodney van der Biezen por lo tanto lo aparecé riba e compacto oficial cu lo saca di e festival.

Riba e CD lo tin e 12 finalistanan.

E participacion di Ramphis Tromp sigur ta un señal cla pa Tumbero nan di e otro isla nan tambe purba den e festival di Tumba di Corsow.

Ramphis a participá algun aña, pero e aña aki tabata e promé aña pa ela clasifica pa e anochi final y den e 12 finalista

nan. Como mihó arreglista a resulta Uti Gregorio pa e composicion "Corsow Live", miéntras cu e premio pa e teksto mas original tambe a bai pa "Kòrsou Live" di Marlon Conradus.

Mester bisa cu e publico a biba cu e resultado completamente.

Atencion special riba e anochi final a bai pa Nildo Martis pa su participacion continuo na Festival di Tumba.

Tambe a recorda Betty Doran na kende e festival a wordo dedica.

Doran a muri aña pasá y tabatin diferente composicion cu a participa na e festival den último aña nan.

E tabata tambe miembro di directiva di Asocacion di Musico di Corsow. Tele-Corsow despues di basta discucion tanto Diahuebs prome cu e festival y como tambe riba Diabierna finalmente a transmití e festival live.

Un punto culminante tabata e despedida di Izaline Callister cu a duna un presentacion magnífico un biaha mas di e Tumba ganador di aña pasa "Much'i Otrobanda" cu a pone Curaçao Festival Center ariba abao.

Izaline a entrega su corona na Elia loke ta nifica tambe otro historia den festival di Tumba. Pa Segundo aña consecutivo un dama a gana e festival.



Bo tin noticia of informacion pa Bon Dia Aruba?
Manda esaki riba: noticia@bondia.com
No tin forma mas rápido pa e yega serca nos!

JUGOS DEL Valle

"Kiko cu bo haci, hacie Juicy den Carnaval"

Romar Trading N.V.
Tel: 834676

Keebler

"Mondjes pa Carnaval"

Romar Trading N.V.
Tel: 834676

INCA KOLA

E bebida adecua pa e temporada di Carnaval

agente distribuidor
ECNI Trading
TEL: 886931

Belmont

"Suave den Carnaval"

Romar Trading N.V.
Tel: 834676

HEBBE HEBBE!

Heineken Carnival

ARUBA 2002

31 januari 2002 (Thursday)
Postkantoor Oranjestad
7.00 pm - 12.00 am
Bands: Surprise!!!